

DEO OPT. MAX. VIRGINI DEIPARÆ, ET S. LVCAE, ORTHODOXORVM MEDICORVM PATRONO.

# QVÆSTIOMEDICAMANEAGITANDA IN SCHOLIS MEDICORVM CADOMENSIS ACADEMIÆ.

M. IOANNE LYOVLD DE MONLIEN, MEDICO ET PROFESSORE ORDINARIO, FACVLTATIS DECANO, MODERATORE.

*Est ne spiritus præcipuum anima instrumentum?*

29

**H**OMO, Naturæ miraculum, rerum omnium centrum & regula, ad quem tanquam ad medium, & Polylecti regulam cætera referuntur: duplici constat substantiâ, corpore nempe, & animâ. His partibus familiaræ quoddam & accommodatum vinculum interponitur; aduersus toto genere Naturas concilians: expertem corporis cum corporeâ, immortalem cum caducâ, puram cum impurâ, diuinam cum terrenâ: spiritus nempe, vtriusque quasi particeps: est enim substantia quedam corporea, tenuissima, oculorum obrutum effugiens, caloris sedes & vehiculum, proximumque animæ instrumentum. Duplicem spiritum agnoscimus; insitum vnum, influentem alterum: ille Stoicis *ἐνκεν* appellatus, ex puriori liquoris genitali parte produciuntur; fibris ac partium staminibus implantatus naturales ipsarum actiones efficit. Hicque est perpetuus ignis, qui flammam non concipit; perpetuumque lumen, quod excitare & imitari conatur chymicæ arcana penitus indagantes. Influens *ἐκτὸς* dictus, natura semper mobilis, à membris principibus deriuatur: in hoc sita est totius fortitudinis fortitudo fortis, rem omnem subtilem vincens: hic cunctarum partium profundos recessus subintrans insito iungitur, & quasi eius *ἐπιτέλεια* eundem perficit, blandè fouet, & quasi torpentem excitans in actum deducit.

**S**PIRITVS influens pro triplici caloris, omnia assidue munia obeuntis, *πρῶτον* triplici distinguitur ordine: primus, qui naturalis dicitur, Lunæ respondet; secundus, qui vitalis, Soli; tertius denique, qui Astris fixis, animalis. Naturalis cæterorum basis est & fundamentum, omnium tamen crassior, nebulosior, & minus elaboratus: focum habet & mineram in parte principe, hepate scilicet, primo *διυματού* artifice: vt enim *πρὸς γὰρ τὸν πυρὸς ἰδιούργημα*, vno & eodem calore, ex diuersis chylosi succi partibus, quatuor diuersas massæ sanguinæ partes generat; ita etiam spiritum naturalem producit, qui in spiritum vitalem conuersus, eundem fouet, reparat, & refarcit. Noli ergo viuo hepati funus ducere, & eius quasi defuncti exequias celebrare: noli ipsius perantiqui iura feudi iniuste tollere; quandiu enim natura supererit, tandiu illi cruentum erit in animali imperium; languinemque ex chymo conficiet, qui tum per venas melaëricas, tum per multiplices lactearum ramos in ipsum fluit & effunderetur.

**C**OR, viscus calidissimum, Sol Microcosmi, vitalis facultatis origo, calidi natui & viuifici nectaris fons vberimus; in sinistro specu, tanquam officinâ & *ἐργαστήριον* cudit & elaborat; ex spiritu naturali in dextro ventriculo, & aëre in rarâ fungosâque pulmonum substantiâ preparato. Spiritus vitalis à corde, tanquam radius à Sole cum sanguine purissimo affatim effluit, singulisque corporis partibus benigno lumine attingens, earum calorem & vitalitatem conseruat. Tantâ est in animali necessitatis, vt si quæ pars (quantumuis magnas in Naturâ vires habeat) huius beneficio & calore blando destituta priuetur; hanc breui temporis spatio corrumpi necesse sit, vel saltem ipsa marcescente, eius functiones prorsus aboleri. Infelix sine spiritus vitalis affluxu omnis symphonia, omniumque symphoniarum harmonia: hinc quippe earum torpor & legnities enascitur, hinc vasorum impuritas emergit, omniumque confusio promanat. Neque magis fausta fuerit destituta spiritu sanguinis distributio; illo enim orbata si destituatur sanguis facilè concrefcens, *καὶ τὰ πάλιν φλέβας ἀποκλίσσει* efficit, corporis refrigerationes, Syncopes Cardiacas, sepeque contractâ summâ corruptione & pernicië, veneni naturam inducens, mortem repentinam & subitanam efficit.

**C**EREBRVM, facultatum principum sedibus indistinctarum domicilium, sensus & motus origo existit: spiritus animales, ex spiritu vitali & aëre, tam in ventriculis, quàm in suâ substantiâ producit; non tam caloris, quo polleat, beneficio, quàm ingenitâ proprietate. Spiritus animalis sensum efficit, in eas corporis partes influens, quas sentire oportuit: quia verò frustra aliquid sentire contingeret, quod immoto animante nec sequi, nec vitari posset; natura spiritus ad musculos, per spongiosam neruorum substantiam appellere voluit; vt cum mouendi corporis vrgeret necessitas, statim & ad arbitrij nutum moueretur: neque illi patentes ductus requirunt; ipsorum enim subtilitati nihil aut clausum aut oblatum esse potest, quandiu naturalis constitutio neruorum salua atque incolumis fuerit: si enim præter naturæ ordinem, aliquid in eorum substantiam irrepit, quod ita crassum sit, vt ab ipsis penetrari non possit; motus & sensus omnino abolerentur: nobiliores spiritus sensuum perfectiorum operationibus referuntur; qui pro varijs quibus vtuntur organis, varias & maximè discrepantes actiones edunt: quidquid verò in ipsis lucidius splendidiusve sensibus externis non inuenit, intus in cerebro manens, principum facultatum instrumentum existit: quarum agendi modum & rationem si inquisieris, scias summum esse prudentiæ genus quædam æquo animo nescire velle, multaque in rerum naturâ reperiri, quæ latent animos temperatos, & illudunt curiosos.

**N**EQVE verò sola animalia spirituum beneficio gaudent, quibus vt instrumentis operationes suas exerceant: inest enim in vegetabilium seminibus spiritus, qui facit, vt ipsa fecunda sint. Et certè, vnde quotannis Sole ad nos redeunte, tot arborum plantarumque germina pullulant? Vnde noua foliorum, florum, & fructuum generatio? Num solæ plantarum animæ tam miranda exequuntur, nullatenus; vt enim illæ facultatibus ad actiones edendas vtuntur, sic facultates spiritibus. Hanc in plantarum & arborum familiâ spirituum potestatem luculenter ostendit succorum vel ex illis, vel ex earum fructibus expressorum *ἐξυμνωσις*: maximè verò vini, quo tanta est, tamque potens, vt sæpe fractis, quibus illi continentur vasis etiam fortioribus, cum impetu foras effundantur: idem in frumento comprobatur cereuisia, quæ ipsa quoque ebullitione facta, spiritum in se volatilem nobis indigat, quo caput & cerebrum imperente, multa symptomata vel *μεταλαβάνει*, vel *καταφρονεῖ*, vel *καταφρονεῖ*, vel denique *καταφρονεῖ* suscitatur. Cum itaque tantæ sint spirituum vires, vt ipsi quasi naturæ potestas esse videantur, sine quibus ne ad momentum quidem ipsa subsistere possit; cum partes naturâ seiuicetas arctissimo vinculo colligant, sintque omnis societatis vinculum, omnique origo *ἀρχὴ καὶ τέλος*; cum omnia per omnia moueant; cum omnis in Mundo species spiritibus agitata viuificetur; cum omnia in Mundo vegetantia spiritu ministrantur; sitque tandem is omni animæ subiectus, iure & merito cum Mercurio ter magno asserimus:

*Ergo spiritus præcipuum anima instrumentum.*

*Proponebat IOANNES BAPTISTA CALLARD DE LA DVCQUERIE Cadomensis, die 8<sup>ta</sup> Febr. ab octaua ad merid. A. R. S. H. M. DC. LXIII.*

CADOMI, Apud IOANNEM CAVELLIER, Regis & Academiæ Typographum.

